



ՆՈՆԱ ԱԼԱՎԵՐԴՅԱՆ

ԳՈՐԻՄԻ ՏԱՐԱԾԱՇՐՁԱՆԻ Մ.Թ.Ա. III-I ՀԱԶԱՐԱՍՅԱԿՆԵՐԻ ԿՈԹՈՂԱՅԻՆ ՀՈՒՇԱՐՁԱՆՆԵՐԸ ԵՎ ԴՐԱՆՑ ԾԻՍԱԿԱՆ ՆՇԱՆԱԿՈՒԹՅՈՒՆԸ*

Գորիսի տարածաշրջանը՝ որպես բնակավայր, մարդկությանը հայտնի է եղել դեռևս վաղ ժամանակներից: Այս մասին են վկայում տարածաշրջանից հայտնաբերված մ.թ.ա. III-I հազարամյակներին վերաբերող պատմահնագիտական նյութերն ու հուշարձանները:

Գորիսի տարածաշրջանի վերոնշյալ ժամանակներին պատկանող կոթողային հուշարձաններ են հայտնաբերվել Հարժիս, Շինուհայր, Սվարանց, Տանձատափ, Խնածախ, Կոռնիձոր, Տեղ, Խոզնավար բնակավայրերից: Հայտնաբերված հուշարձանները պայմանականորեն կարելի է բաժանել երեք խմբի՝ **քանդակներ ու քանդակազարդ քարակոթողներ, մենհիրներ և ֆալոսներ:**

Քանդակներ ու քանդակազարդ քարակոթողների թվին են պատկանում Հարժիսից հայտնաբերված գլանաձև ելուստի վրա պատկերված մարդկային դեմքը (պահվում է Հայաստանի պատմության թանգարանում) և գլխաքանդակը (պահվում է Կապանի երկրագիտական թանգարանում): Ըստ Ա. Գնունու, Հ. Ավետիսյանի, Ա. Բորոխյանի և Գ. Սարգսյանի՝ այս քանդակները ֆալիկ կոթողներ են և արդյունք են ֆալոսի պաշտամունքի զարգացման¹: Այս քանդակների ի հայտ գալը ինքնին վկայում է

* Հոդվածը ներկայացվել է 20.11.2019 թ., գրախոսվել՝ 15.12.2019 թ., տպագրության ընդունվել՝ 20.12.2019 թ.:

¹ Տե՛ս Ավետիսյան Հ., Գնունի Ա., Բորոխյան Ա., Սարգսյան Գ., Բրոնզ-երկաթե դարյան Մյունիքի սրբազան լանդշաֆտը, Հնագիտական հետազոտություններ, Երևան, 2015, էջ 52:

անթրոպոմորֆ աստծու պաշտամունքի ձևավորման մասին¹, որը, մեր կարծիքով, պայմանավորված էր հասարակության մեջ տղամարդու դերի մեծացմամբ և հայրիշխանության ամրապնդմամբ²:

Հարժիսից հայտնաբերվել է ուշ բրոնզի դարաշրջանին պատկանող մեկ այլ մարդակերպ կուռք³ (պահպանվում է Գորիսի երկրագիտական թանգարանում), որը, սակայն, իր կերտմամբ տարբերվում է այս ժամանակաշրջանի մյուս քանդակներից: Արձանը հնգադեմ է և ունի 76 սմ բարձրություն: Վարպետը համադրել է փորագրման և հարթաքանդակի տեխնիկան: Դեմքերը գրեթե միակերպ են: Գլխի վերին մասը հարթ է, աչքերը և բերանը փոս ընկած են (հավանաբար այլ քարից կամ նյութից ագուցվող աչքեր է ունեցել): Ագուցման եղանակը խորթ չէր հայկական լեոնաշխարհի կերպարվեստին: Հետագայում այս եղանակը լայն կիրառություն ուներ Վանի թագավորության մեջ և հելլենիստական դարաշրջանի Հայաստանում: Քիթը և ճակատը, ընդհակառակը, դուրս ընկած են: Արձանը հավանաբար տեղադրված է եղել պաշտամունքային տաճարի կենտրոնում: Հարժիսից հայտնաբերվել են պաշտամունքային նշանակություն ունեցող կուռքերի այլ դիմաքանդակներ ևս: Հնգադեմ կուռքի արձանը որոշ աղերսներ ունի Նավուրի քառադեմ արձանի հետ⁴:

Դժվար է ասել, թե կուռքն ինչ աստվածության է նվիրված եղել: Սակայն, մեր կարծիքով, հավանաբար այս կուռքի պաշտամունքը ոչ միայն տարածաշրջանային նշանակություն է ունեցել, այլ նրա պաշտամունքային արմատները հասնում են հնդեվրոպական միասնականության շրջան: Այդ մասին են

¹ Տե՛ս **Գևունի Ա.**, Հայկական լեոնաշխարհի ֆայիկ հուշարձանների տիպերն ու ծիսական գործառույթները, ԲԵՀ 2, 2004, էջ 129-130:

² Հայկական լեոնաշխարհում հայրիշխանությունը ձևավորվել է էնեոլիթի վերջում, վաղ բրոնզի դարի սկզբին (մ.թ.ա. IV հազարամյակի վերջ, III հազարամյակի սկիզբ):

³ Տե՛ս **Ավետիսյան Հ., Գևունի Ա., Բորոյան Ա., Սարգսյան Գ.**, Բրոնզերկաթեդարյան Սյունիքի սրբազան լանդշաֆտը, էջ 52:

⁴ Տե՛ս **Եսայան Ս.**, Հայաստանի ուշբրոնզեդարյան քանդակագործությունը, ԼՀԳ, Երևան, 1969, № 12, էջ 44:

վկայում տարբեր ժամանակաշրջաններին պատկանող հնդկական (Բրահմայի քառադեմ, Շիվայի հնգադեմ արձանները), հունական (Հեկատե աստվածուհու եռակերպար արձանները) սլավոնական (Ռյազանի¹ և Ջբրուչի² քառադեմ, Չելսիայից քառադեմ, Խորվաթիայից եռադեմ³ արձանները և այլն) կուռքերը, որոնց հիմքում ևս ընկած էր այս աստվածության նկատմամբ հավատը:

Կուռքն արտացոլում է մարդկանց աշխարհի ու կուսմոզոնիայի մասին պատկերացումները:

Մեկ այլ մարդանման կուռք է հայտնաբերվել Կոռնիձոր գյուղի Շուռնուլիի խաչեր տեղամասից, որը աչքի է ընկնում զլանաձև իրանով և հորիզոնական տարածված թևերով: Երևում է նաև գլուխը իրանին միացնող վիզը: Գլխամասի հարթ մակերեսի վրա նշմարվում են աչքի, քթի, բերանի նշաններ⁴: Արձանը գտնվել է դամբարանաթմբի վրա: Մեր կարծիքով՝ այն կարող է նաև մահարձան լինել և կապված լինել թաղման ծեսի հետ:

Կոթողային հուշարձանների մեջ մեծ հետաքրքրություն են ներկայացնում նաև Խնածախ գյուղի Խաչքարի խուֆ տեղամասում գտնվող խաչքարացված կոթողը և Խոզնավար գյուղի Բագարխանա վայրի կուռք-խաչքարերը:

Խնածախ գյուղի խաչքարացված քարակոթողի հետին հատվածում առկա է գոռելիեֆ պատկեր, որը բարձրանում է մինչև քարի գագաթը: Ա. Գնունու, Հ. Ավետիսյանի, Ա. Բորոխյանի և Գ. Սարգսյանի կարծիքով՝ խաչքարն ավելի վաղ կոթողի երկրորդային օգտագործման արդյունք է⁵: Նույնը

¹ Տե՛ս «Советская археология», Москва, 1989, № 2, стр 93:

² Տե՛ս **Русанова И., Тимощук Б.**, Збручское святилище (предварительное сообщение), «Советская археология», Москва, 1986. № 4, с. 90-99:

³ Տե՛ս **Čausidis N.**, Pogsanska religija Slavena u svjetlu ranosrednjovjekovnih materijalnih nalaza sa područja Balkana, Histria Antiqua, vol. 13, Pula 2005, p. 446:

⁴ Տե՛ս **Ավետիսյան Հ., Գնունի Ա., Բորոխյան Ա., Սարգսյան Գ.**, Բրնկ-երկաթեդարյան Մյունիքի սրբազան լանդշաֆտը, էջ 134:

⁵ Տե՛ս նույն տեղում, էջ 54:

կարելի է ասել նաև Խոզնավարից հայտնաբերված կուռք-խաչքարի մասին:

Մենհիրներ: Մ.թ.ա. III-I հազարամյակներին պատկանող կոթողային հուշարձանների մեջ կարևոր տեղ են զբաղեցնում մենհիրները: Մենհիրներ են հայտնաբերվել Խնածախից՝ Բհավեր վանքից ոչ հեռու, Հարժիսից, Հարժիս-Դարաբաս հատվածից, Տանձավերից և Որոտանից: Այդ մենհիրները կարելի է բաժանել երեք խմբի՝ **նվազագույն միջամտությամբ** (Հարժիս N 6-8, 10, Տանձավեր, Որոտան), **միջին մակարդակի միջամտությամբ** (Հարժիս N 1-5, 9, 11, 12, 14), **առավելագույն միջամտությամբ** (Հարժիս N 15)¹:

Մեր կարծիքով՝ մենհիրները մահարձաններ էին: Սրանց կանգնեցման պատճառը կապված է եղել թաղման ծեսի և հանդերձյալ աշխարհի մասին հայերի պատկերացումների հետ: Հին հայերը հավատում էին, որ հոգին մարմնից հեռանալուց հետո քար է դառնում: Այս հավատալիքի վերաբերյալ տեղեկություններ են պահպանվել «Արա Գեղեցիկ և Շամիրամ» ավանդազրույցում: Մովսես Խորենացին, ներկայացնելով Շամիրամի մահը, ասում է. «Շամիրամը Նիոբեից առաջ քար դարձաւ»²:

Այսպիսի պատկերացում ունեին նաև Հին աշխարհի շատ ժողովուրդներ: Օրինակ՝ հին հունական Նիոբեի մասին առասպելում Նիոբեն, կորցնելով իր զավակներին, սարսափից ու վշտից քար է դառնում³:

Հետագայում, սակայն, այս հավատալիքի կատարելագործման արդյունքում մենհիրներին փոխարինելու են գալիս մահարձանները: Հենց այս պատկերացման հետ է կապված նաև կուրոսների՝ որպես մահարձաններ կանգնեցնելը⁴:

¹ Տե՛ս նույն տեղում, էջ 31:

² **Մովսեսի Խորենացու** Պատմություն Հայոց, աշխատասիրութեամբ Մ. Աբեղեան և Ս. Յարութիւնեան, Տիփլիս, 1913, էջ 56:

³ Տե՛ս **Հովերթու**, Իլիական, XXIV, 602—617, Երևան, 1987, էջ 459-460:

⁴ Տե՛ս **Краснова О.**, Энциклопедия искусства Древнего мираб, ОЛМА-ПРЕСС, Москва, 2002, с. 210:

Նման պատկերացումներ ունեին նաև հին եգիպտացիները: Նրանք հավատում էին, որ մահից հետո **Կան** դուրս էր գալիս մարմնից և կարող էր ազատորեն շարժվել, սակայն նրանք փնտրում էին ֆիզիկական մնացուկներ (օրինակ՝ արձան) վերադառնալու համար¹: Մահարձաններն ասես փոխարինում էին քայքայման ենթակա մարմնին, որպեսզի հոգին կարողանա վերադառնալ և միանալ նմանակին:

Փաստորեն կարելի է ասել, որ մենհիրը հավանաբար ևս ծառայել է որպես ֆիզիկական մարմին վերադառնալու համար:

Հոգու վերածննդի գաղափարն է արտահայտում կծկված դիրքով (խորհրդանշում է սաղմի դիրքը) կացարանի տակ թաղումները: Այդպիսի թաղումները տարածված էին Սյունիքում մ. թ. ա. IV-I հազարամյակներում²:

Ինչ վերաբերում է որոշ մենհիրների, որոնց մոտ դամբարաններ չեն հայտնաբերվել, պետք է ասենք, որ սրանք հավանաբար ժամանակի ընթացքում տեղաշարժվել կամ ենթարկվել են երկրորդական օգտագործման:

Գորիսի տարածաշրջանից հայտնաբերված որոշ մենհիրներ առանձնանում են՝ կոթողի վերնամասում կամ միջնամասում անցքեր ունենալով: Հենց այս անցքերի գոյությունն էլ պատճառ է դարձել մենհիրների և դրանց վրա արված անցքերի նշանակության հարցի շուրջ միակարծության բացակայության: Տեսակետներից մեկի համաձայն՝ այդ անցքերը քարը քաշելու համար են նախատեսված եղել³: Մեր կարծիքով՝ սրանք այլ նշանակություն են ունեցել, քանի որ կան մենհիրներ, որոնց վրա անցքերը բացակայում են: Ե. Լալայանի պնդմամբ՝ այս

¹ Տե՛ս **Уайт Д.**, *Боги и люди Древнего Египта*, Москва, 2007, с. 189.

² Տե՛ս **Խնկիկյան Օ.**, Սյունիքի մ. թ. ա. IV-I հազարամյակի թաղման ձեսի մեկնության փորձ, ԲԵՀ 3 (81), Երևան, 1993, էջ 126-137:

³ Տե՛ս **Лисицян С.**, Кошун-Дашское мегалитическое городище в Сисиане (Зангезуре). Сборник памяти академика. **Маппа Н. Я.**, Москва-Ленинград, 1938, с. 709-721, տե՛ս նաև **Ավետիսյան Հ., Գևունի Ա., Բորոխյան Ա., Սարգսյան Գ.**, Դիտողություններ Սյունիքում մ.թ.ա. III-I հազարամյակների ծիսական լանդշաֆտի ձևավորման վերաբերյալ, Անտառ ծննդոց, հողվածների ժողովածու նվիրված Ֆելիքս Տեր-Մարտիրոսյանի հիշատակին, Երևան, 2015, էջ 70:

անցքերը ծիսական նշանակություն են ունեցել և կապված են եղել կնոջ, պտղաբերության պաշտամունքի հետ¹: Մենք համաձայն ենք Ռ. Ֆրիտշենի այն տեսակետի հետ, որ դրանք կապված են թաղման ծեսի հետ և նախատեսված էին մեռածի բարեկամների աղոթքները մեռածին տեղ հասցնելու համար²:

Ֆալոսներ: Հայկական լեռնաշխարհում տարածված է եղել նաև ֆալոսի պաշտամունքը: Ֆալոսի պաշտամունքի հետքեր՝ քարից շինված ֆալոսներ են հայտնաբերվել նաև Գորիսի տարածաշրջանից, որոնք բրոնզ-երկաթեդարյան հուշարձանների մեջ առանձնահատուկ տեղ են զբաղեցնում: Դրանցից երկուսը պահպանվում են Գորիսի երկրագիտական թանգարանում: Այդ ֆալոսների գլխիկը գմբեթաձև է, իրանը՝ գլանաձև, դեպի ներքև լայնացող: Դրանցից մեկի վրա անցք կա, որը կարող է կապված լինել պտղաբերության ծիսական արարողության հետ: Մ. Եսայանի կարծիքով՝ նմանատիպ անցքերը կարող են կապված լինել կտեխի պաշտամունքի հետ³:

Ֆալիկ կոթողների թվին է պատկանում նաև Շինուհայրի Խաչեր գերեզմանոցից հայտնաբերված խաչքար-կոթողը⁴, որը երկրորդական մշակման արդյունք է:

Ֆալոսների պաշտամունքային նշանակությունը հիմնականում կապված է եղել պտղաբերության և բեղմնավորման, կյանքի, տոհմի, ցեղի շարունակության հետ: Ֆալոսը՝ որպես պտղաբերության խորհրդանիշ, հայտնի էր շատ ժողովուրդներին՝ հին եգիպտացիներին (կապված էր պտղաբերության աստված Մինի հետ), հին հնդիկներին (լինգամ՝ որպես սերունդ ստեղծող խորհրդանիշ, հետագայում այն կապվեց Շիվայի պաշտամունքի հետ), հին հույներին (կապված էր

¹ Տե՛ս **Լալայեան Ե.**, Բորչալուի գաւառ, ԱՀ, ուլթերորդ տարի, X գիրք, Թիֆլիս, 1903, էջ 181:

² Տե՛ս **Տէր-Սովսեան Մ.**, Յողուածների ժողովածու, Արարատի ժառանգությունը, Է, Ս. Էջմիածին, 2009, էջ 611:

³ Տե՛ս **Եсян С.**, Скульптура Древней Армении, Ереван, 1981, с. 51.

⁴ Տե՛ս **Ավետիսյան Հ., Գևունի Ա., Բորոյսյան Ա., Մարգարյան Գ.**, Բրոնզ-երկաթեդարյան Սյունիքի սրբազան լանդշաֆտը, էջ 136:

Հերմեսի, Դիոնիսոսի և պտղաբերության աստված Պրիապոսի հետ), հին հռոմեացիներին և այլոց:

Այս պաշտամունքը խորն արմատներ ուներ նաև հայերի շրջանում: Դրա վերապրուկները հետագայում ևս պահպանվեցին: Ս. Լիսիցյանը վկայում է, որ Միսիանից 4-5 կմ հեռավորությամբ՝ դեպի Գորիս տանող խճուղու վրա, կա դուրս գցված մի ծիսական քար՝ պորտաքար, որը, ըստ հայերի մեջ տարածված հավատալիքի, կարող էր բուժել չբեր կանանց: Այն եղել է ֆալոս, որը, սակայն, ծիսակատարությունների՝ կանանց պորտի վրա պատկելու և շուռումուռ գալու արդյունքում վնասվել է:¹

Այսպիսով՝ Գորիսի տարածաշրջանի մ.թ.ա. III-I հազարամյակներին պատկանող կոթողային հուշարձանները Հայկական լեռնաշխարհի հնագույն մշակույթի արգասիք են, որոնք, սակայն, միննույն ժամանակ երևան են բերում տեղական առանձին գծեր:

¹ Տե՛ս Լիսիցյան Ս., Զանգեզուրի հայերը, Ե., 1969, էջ 285:

**ԳՈՐԻՄԻ ՏԱՐԱԾՄԱՇՐՁԱՆԻ Մ.Թ.Ա. III-I ՀԱԶԱՐԱՍՅԱԿՆԵՐԻ
ԿՈԹՈՂԱՅԻՆ ՀՈՒՇԱՐՁԱՆՆԵՐԸ ԵՎ ԴՐԱՆՑ ԾԻՍԱԿԱՆ
ՆՇԱՆԱԿՈՒԹՅՈՒՆԸ**

ԱՍՓՈՓՈՒՄ

ՆՈՆՆԱ ԱԼԱՎԵՐԴՅԱՆ

Հոդվածում ներկայացված են Գորիսի տարածաշրջանի մ.թ.ա. III-I հազարամյակներին պատկանող կոթողային հուշարձանները և դրանց ծիսական, պաշտամունքային նշանակությունը: Կոթողային հուշարձանները, որոնք հայտնաբերվել են Հարժիս, Շինուհայր, Սվարանց, Տանձատափ, Խնածախ, Կոռնիձոր, Տեղ, Խոզնավար բնակավայրերից, աշխատանքում պայմանականորեն բաժանված են երեք խմբի՝ քանդակներ ու քանդակազարդ քարակոթողներ, մենհիրներ և ֆալոսներ: Հոդվածում դրանք քննվում են առանձին-առանձին:

Բանալի բառեր - կոթողային հուշարձաններ, քանդակներ, քանդակազարդ քարակոթողներ, մենհիրներ, ֆալոսներ, ծիսական նշանակություն:

МОНУМЕНТАЛЬНЫЕ ПАМЯТНИКИ III-I ТЫСЯЧЕЛЕТИЙ ДО Н. Э. ГОРИССКОГО РЕГИОНА И ИХ РИТУАЛЬНОЕ ЗНАЧЕНИЕ

РЕЗЮМЕ

НОННА АЛАВЕРДЯН

В настоящей статье представлены примеры монументальных памятников III-I тысячелетий до н.э. в Горисском регионе и осуществлен анализ их ритуального значения. Монументальные памятники, обнаруженные в населенных пунктах Аржис, Шинуайр, Сваранц, Тандзатап, Хнацах, Корнидзор, Тех, Хознавар, в данной работе условно разделены на три группы: скульптуры и скульптурная резьба по камню, менгиры и фаллосы. В статье указанные группы исследуются отдельно.

Ключевые слова: монументальные памятники, скульптуры, скульптурная резьба по камню, менгиры, фаллосы, ритуальное значение.

MONUMENTS OF THE GORIS REGION AND THEIR RITUAL SIGNIFICANCE DATING BACK TO III-I MILLENNIUM BC

SUMMARY

NONNA ALAVERDYAN

The article refers to the monuments of Goris Region dating back to III-I millennium BC and their ritual and cult significance. In this work the monuments, discovered in the settlements Harjis, Shinuhayr, Svarants, Tandzatap, Khnatsakh, Kornidzor, Tegh, Khoznavar, are conventionally divided into three groups: sculptures and sculpture-ornamented monuments, menhirs and phalluses. They are examined separately in the article.

Key words: monuments, sculptures, sculpture-ornamented monuments, menhirs, phalluses, ritual significance.

ԳՐԱԿԱՆՈՒԹՅՈՒՆ

1. Ավետիսյան Հ., Գևունի Ա., Բորոխյան Ա., Սարգսյան Գ., Բրոնզ-երկաթեդարյան Սյունիքի սրբազան լանդշաֆտը, Հնագիտական հետազոտություններ, Երևան, 2015, 230 էջ:
2. Ավետիսյան Հ., Գևունի Ա., Բորոխյան Ա., Սարգսյան Գ., Դիտողություններ Սյունիքում մ.թ.ա. III-I հազարամյակների ծիսական լանդշաֆտի ձևավորման վերաբերյալ, Անտառ ծննդոց, հողվածների ժողովածու նվիրված Ֆելիքս Տեր-Սարտիրոսյանի հիշատակին, Երևան, 2015, էջ 64-78:
3. Գևունի Ա., Հայկական լեռնաշխարհի ֆալիկ հուշարձանների տիպերն ու ծիսական գործառույթները, ԲԵՀ, Երևան, 2004, № 2, էջ 122-130:
4. Եսայան Ս., Հայաստանի ուշբրոնզեդարյան քանդակագործությունը, ԼՀԳ, Երևան, 1969, № 12, էջ 45-54.:
5. Լալայեան Ե. Բորչալուի գաւառ, ԱՀ, ութերորդ տարի, X գիրք, 1903, էջ 113-203:
6. Լիսիցյան Ս., Չանգեզուրի հայերը, Երևան, 1969, 336 էջ:
7. Խնկիկյան Օ., Սյունիքի մ. թ. ա. IV-I հազարամյակի թաղման ծեսի մեկնության փորձ, ԲԵՀ, Երևան, № 3, 1993, էջ 126-137:
8. Հոմերոս, Իլիական, XXIV, 602-617, Երևան, 1987, 500 էջ:
9. Մովսիսի Խորենացույ Պատմութիւն Հայոց, աշխատասիրութեամբ Ս. Աբեղեան և Ս. Զարութիւնեան, Տփլիս, 1913, 396 էջ:
10. Տէր-Մովսիսեան Ս., Յօդուածների ժողովածու, Արարատի ժառանգութիւնը, Է, Ս. Էջմիածին, 2009, 728 էջ:
11. Есаян С., Скульптура Древней Армении, Ереван, 1981, 76 с.
12. Краснова О., Энциклопедия искусства Древнего мира, Москва, 2002, 352 с.
13. Лисициан С. Д., Кошун-Дашское мегалитическое городище в Сисиане (Зангезуре), Сборник памяти академика Н. Я. Марра, Москва-Ленинград, 1938, с. 709-721.

14. Русанова И., Тимошук Б., Збручское святилище (предварительное сообщение), «Советская археология», Москва, 1986, № 4, с. 90-99.
15. «Советская археология», Москва, 1989, № 2, 304 с.
16. Уайт Д., Боги и люди Древнего Египта, Москва, 2007, 249 с.:
17. Čausidis N., Poganška religija Slavena u svjetlu ranosrednjovjekovnih materijalnih nalaza sa područja Balkana, *Histria Antiqua*, vol. 13, Pula 2005, pp. 437-456.